





Handwritten signature or mark at the bottom center of the page.

aber diese ding fleissiger wissen wolt der mag die auß dem pinnen schöpffen vnd mer dan wir in diesem büch begreifen mügen wunderperlicher ding suchen. vnd wenn nro solche zerstreung auff dem ertreich beschicht. vnd der almechtig komen wirdt in dem stül vnd thron seiner maiestat alle selen vnd die ganzen werlt zerichten so wirdt in derselben zeit ein offenbare gemayne vrsünd aller menschen. als den wirdt der leichnam der do auff ertreut von den todten vnzerstörlich vnd vntödtlich. nicht allain der gerechten sunder auch der sündler. doch der gerechten das sie alweg bey cristo bleyben müge. aber der sündler das sie on ir vergecknus verschälde straff vnd peyn leyden. Zu leyst wirdt der gerecht richter die gerechten mit ewigkeit der glori begaben. vnd den vngüetigen lange schmah vnd peyn auflegen. der selben leichname werden in ewigkeit bleiben zu geduldung ewiger creuzigung. marter vnd peyn des feuers. das vil anders genaturt ist dan das vnser. das doch wo es mit einer materi nicht enthalten würdt erlischet. aber ihens ewig feur lebt vnd schwebt durch sich selbs alweg on einiche materliche ernerung vnd gibt ime selbs ewige fütung vñ enthaltung vñ binght peylichkeit des schmerz ens. Was vnauffspreckenlicher freud vnd frolockung werden aber die gerechten vnd güetigen habe so sie nach empfliehung des ewigen iamers. ellends vnd quals zu diesem gerechten richter vnd allergüetigsten vater treten vnd rüe für arbat. das leben für den tod. die klarheit für die finsternus. die ewigen vñ himlische güetere für die irdischen vnd kürzen empfahen werden. darumb sollen alle menschen fleiß an erten sich auff das schierst zu dem rechten weg zeschicken oder in angenomuer vbung der tugent vnd in volbringung des arbeitsamen lebens gedultiglich zebearren vnd also götlichs trosts vnd lons zeewarten. dan vnser vater vnd herr (der den himel gezyiert vnd befestigt. die sinnen mit andern gestirne erleuchtet. das ertreich mit bergen vmbfangen. mit dem meer vmbgeben. vnd mit wasserflüssen vndercheiden. vnd alle ding in diser werlt auß nichte beschaffen hat) der hat auch in betrachtung der irung der menschen vns einen furerer layter vnd anweiser auff den weg der gerechtigkeit gesendet. dem wollen wir alle nachfolgen. dem wollen wir hören. dem wollen wir fleißiglich vñ andechtiglich gehorsam sein vnd wollen mit dem alten feind des menschlichen hayls (den wir kennen) manlichlich vnd künlich in den kampff treten vnd nach vberwindung desselben vnser widerfachers triumphierende vnd obsigende der versprochen belouung der tugent von got vnzweifellich gewarten. vnd durch die grossen pforten vber den gestirntē himel auff in den höchsten himel eingeen. Alda dan die statt der selligen burgere vnd gottes vnser mäter Iherusalem in den mytteln feldern des hymels erscheinen wirdt. Dise statt gottes hat ein licht gleich ein costenlichen stayn. Ir mawr ist groß vnd hoh mit .xij. pforten. vnd geschriben namē der .xij. ge schlecht der kinder israhel. vier seyten. als do simd die vier tayl der werlt. die mawr der statt die do vieregket ist hat .xij. grundfest vnd darin die .xij. namen der .xij. appostel. vnd die grundfest der mawr der statt simd mit alle köstliche stayn geziert. darumb wenn wir in dis war vaterland wider eingeen so werden wir mit vnauffspreckenlicher freud iibel vnd frolockung durchgossen. in welchem vaterland wir entsprungen vnd darauff pürtig sind. Wie werden wir frolocken so wir nach diesem langem iamerigem vnd geferlichem ellend vnser freudereichs vaterland ewiger seligkeit glori vnd ere anplicken vnd sehen werden. darumb sollen wir bitten das der herr vns vnd allen den die dis hören verleyhe mit bewarten von vns empfangnem glawben nach verscheynung der zeit der hinderlegte vnd berayten kron der gerechtigkeit zeeharren. vnd vnder den ihenen die in das ewig leben auff ertreen gefunden vnd von ewiger schand vnd peyn geledigt zewerden durch Ihesum cristum vnsern herrn. durch den sey got vater dem almechtigen mit dem heiligen gaist ewigs lob. ere. benedeyg. preys. klarheit. weißheit. gewalt. hayl. kraft. tugent vnd glori zu ewiger danckperkeit gesagt in die ewigkeit der ewigkeit Amen.

Auß götlichem beystand endet sich alhie das büch von den geschichten der alter der werlt vnd von beschreibung der berümbtesten vnd namhaftigsten stettisagende durch Georgi um alt desmals losungschreiber der kaiserliche reichsstat Nürnberg auß latein in teutsch gebracht vnd beschloße nach der gepurt Cristi Ihesu vnser haylands. M. cccc. xxiij. iar am fünften tag des monats Octobris.

Altititono sint r. p. t. u. e. landes. ag. alt.



Nach dem  
beschrieb  
königlich  
vnter  
fließ Thana  
Lindischen  
nageliche  
das Hamer  
zu den zeren  
darhohberu